



Riidoáššiid soabahallan



Soabahallandoaimmahagas oaččut veahki mánggalágan riidodiliide. Soabahallamis sáhtta giedahallat dakkár riidoáššiid, main unnimustá okta oassebealli lea lunddolaš persovdna. Riidoášši sáhtta válđojuvvot soabahallamii, juos áššis ovdanbuktojuvvon gáibádusat leat unnit (sovitelulaki [soabahallanláhka] 1050/2005, 1 §). Soabahallandoaimmahat árvvoštallá, heivego riiddu giedahallan soabahallamii.

Soabahallanálgaga sáhtta dahkat

- riiddu oassebealli
- fuolaheadđi dahje ovdduidgohcci
- boles, oahppolágádusa, sosiáldaibma dahje eará virgeoapmahaš (omd. gielda).

Soabahallanálgga dahkkojuvvo soabahallandoaimmahakkii. Soabahallan lea oassebeliide eaktodáhtolaš ja nuvttá.

Riidoášši sáhtta leat ovdamearkka dihtii olmmošgaskavuoda- dahje

vuorrováikkuhusčuolbma, mii bokta fuola ja fuones miela, dahje váttásmahtta iežas dahje oktasaš áššiid dikšuma.

Soabahallamii heivvolaš riidoáššit sáhttet laktásit ovdamearkka dihtii

- skuvlii
- sosiála mediai
- bargoeallimii
- biebmoealliide
- kránnjágaskavuodaide ja ássamii
- lagaš- ja ustitgaskavuodaide
- opmodat ja ekonomijjaáššiide.

Riidoášši sáhtta leat maiddái dakkár, mas lea dahkkojuvvon dutkanbivdda bolesii, muhto boles lea gávnahan, ahte sáhka ii leat rihkusáššis. Vaikko rihkus ii livčče dáhpáhuvvan, vahága dagahan oassebealis sáhtta leat áššis buhtadusovddasvástádus. Soabahallanvuloš ášši sáhtta maiddái deavdit rihkkosa dovdomearkkaid, muhto áššeoamasteaddji ii leat

háliidan dahkat áššeoamasteaddji-rihkkosis dutkanbivdaga.

Soabahallamis eai dahkkojuvvo geaidno- dahje rádjádoaimmahusat, fuolahus- ja deaivvadansoahpamušat, juogadeamit dahje árbejuogut. Soabahallan sáhtta veahkehit dáinge diliin divvut olmmošgaskavuodaide nu, ahte áššiin bastet ráđđádallat ja soahpat eará báikkis (ovdamearkka dihtii lánkaáššiid- dahje vuoigatvuođaveahkkedoaimmahagas, dahje mánáidgohcciin). Soabahallandoaimmahagas oaččut maiddái bálvalusbagadallama.

Soabahallan addá vejolašvuoda

- deaivvadit dorvvolaččat
- giedahallat dáhpáhuvvan ášši
- divvut dáhpáhuvvan áššis šaddan hehttehusaid
- gávdnat ovtas vugiid eallimii, mas eai leat nu ollu riidut.